

Na osnovu člana 16. stav 3. Zakona o Vladi Zeničko-dobojskog kantona-Prečišćen tekst („Službene novine Zeničko-dobojskog kantona“, broj: 7/10 i 3/23), a u vezi sa članovima 2. i 3. Odluke o redovnom godišnjem popisu imovine, obaveza i potraživanja Zeničko-dobojskog kantona na dan 31.12.2024. godine, na prijedlog Ministarstva finansija, Vlada Zeničko-dobojskog kantona, na 54. sjednici održanoj 08.11.2024. godine, d o n o s i

RJEŠENJE

o imenovanju Centralne popisne komisije za popis imovine, obaveza i potraživanja Ministarstva za pravosuđe i upravu sa stanjem na dan 31.12.2024. godine

Član 1.

Imenuje se Centralna popisna komisija za popis imovine, obaveza i potraživanja Ministarstva za pravosuđe i upravu Zeničko-dobojskog kantona sa stanjem na dan 31.12.2024. godine, u slijedećem sastavu:

- a) Terzić Seima, predsjednik, Ministarstvo finansija,
- b) Arnautović Željka, član, Ministarstvo za pravosuđe i upravu i
- c) Hećo Azra, član, Ministarstvo za pravosuđe i upravu.

Član 2.

Zadatak komisije iz člana 1. ovog rješenja je da u skladu sa odredbama Pravilnika o popisu imovine, obaveza i potraživanja („Službene novine Zeničko-dobojskog kantona“, broj: 20/22), kod budžetskih korisnika:

- a) koordinira rad svih pojedinačnih popisnih komisija budžetskih korisnika iz nadležnosti ministarstva,
- b) provjerava da li su komisije za popis donijele planove rada sa utvrđenim rokovima za obavljanje pripremni radnji i pojedinih faza popisa,
- c) provjerava da li su komisije za popis na vrijeme započele sa popisom,
- d) prati tok popisa, pravilnost vršenja i poštivanja utvrđenih rokova,
- e) preuzima od komisija za popis izvještaje o popisu, popisne liste i druge priloge, provjerava da li je izvršeno usklađivanje stvarnog stanja i knjigovodstvenog kod svakog pojedinačnog budžetskog korisnika, te
- f) na osnovu njih sačinjava rekapitulaciju i zbirni izvještaj, te kompletirani materijal o popisu, sa prijedlogom odgovarajućih odluka, dostavlja Centralnoj popisnoj komisiji Zeničko-dobojskog kantona.

Član 3.

Krajnji rok za podnošenje kompletnog izvještaja Centralnoj popisnoj komisiji Zeničko-dobojskog kantona je 31.01.2025. godine.

Član 4.

Rješenje stupa na snagu danom donošenja.

Broj: 02-_____/24
Datum, 08.11.2024. godine
Zenica

PREMIJER

Nezir Pivić

DOSTAVLJENO:

- 1x Ministarstvo finansija,
- 1x Ministarstvo za pravosuđe i upravu,
- 1x Predsjednik i članovi komisije, putem Ministarstva finansija,
- 1x Predsjednik Centralne popisne komisije Zeničko-dobojskog kantona, putem Ministarstva finansija,

1x a/a.